

PRAVILNIK

PIŠTOLJ I REVOLVER VK

CILJ I ZADACI TAKMIČENJA

Takmičenja iz baznog "C" programa, pištolj i revolver VK imaju za cilj podizanje na viši nivo performansi i rezultata strijelaca, popularizacija i omasovljavanje strelačkog sporta, te da se širi krug amaterskih ljubitelja ove discipline takmičarski razvija.

ORGANIZACIJA TAKMIČENJA

Takmičenja pištolj i revolver VK odvija se u 2 dijela:

1-Kupa I Crne Gore koji se sastoji iz 10 kvalifikacionih kola Kupa 2-

Prvenstva Crne Gore 30+30 precizna i brza paljba.

Takmičenja se održavaju prema utvrdjenom Kalendaru takmičenja Streljačkog saveza Crne Gore.

PRAVO NASTUPA

Pravo nastupa imaju svi članovi klubova koji su u evidentirani u odgovarajući spisak strijelaca Streljačkog saveza CG za tu sezonu.

KVALIFIKACIONA KOLA KUPA

Bodovanje za Kup Crne Gore se vrši za sve takmičare koji su nastupili najmanje na šest (6) kola Kupa u toku sezone.

Na kvalifikacionim kolima Kupa Crne Gore boduju se najboljih šest(6) postignutih rezultata na način da se broj krugova sabira u ukupni zbir i dobija se konačni poredak .

DISCIPLINE I KATEGORIJE

Takmičenje se sprovodi u sledećim disciplinama i kategorijama

- Pištolj VK seriski – muškarci/žene apsolutna kategorija
- Revolver VK seriski- muškarci/žene apsolutna kategorija
- Ekipno Ekipno – tri člana koja mogu biti mix tim muškarci/žene, SSCG ohrabruje klubove da u sastavu ekipa bude minimum jedan strelac ženskog pola.

OPŠTE ODREDBE

Odredbe Pravila takmičenja Streljačkog saveza CG moraju primjenjivati svi klubovi udruženi u Streljački savez CG (u daljnjem tekstu SSCG) na svim takmičenjima u programu SSCG.

SSCG se zalaže da se ova Pravila primjenjuju i na streljačka takmičenja koja se organiziraju i održavaju izvan programa SSCG i udruženih klubova.

Tehnička pravila Međunarodne sportske streljačke federacije (u daljnjem tekstu ISSF), Pravila ISSF za pištolj, pištolj brza paljba, zajedno s ovim Pravilima čine jedinstvenu cjelinu, te se primjenjuju u svim slučajevima, koji nisu posebno regulirani ovim Pravilima. Svi strijelci, vođe ekipa i službeno osoblje moraju biti upoznati sa Pravilima i moraju obezbijediti da se ta Pravila sprovode. Odgovornost svakog strijelca, vođe ekipe i službenog osoblja je da se ponaša u skladu s tim Pravilima.

SIGURNOST JE OD IZUZETNE VAŽNOSTI.

Ova Pravila navode samo posebne sigurnosne zahtjeve SSCG, ISSF za takmičenja, koja se sprovode u skladu s cjelokupnim Pravilima SSCG, ISSF. Sigurnost na streljačkom objektu zavisi u velikoj mjeri o lokalnim uslovima i Organizacioni odbor mora poznavati i utvrditi cjelokupne uvjete sigurnosti na streljačkom objektu i poduzimati potrebne mjere za njihovu primjenu. Organizacioni odbor je odgovoran za sigurnosne uslove na streljačkom objektu tj. moraju biti ispunjeni uslovi iz čl 93 Zakona o oružju. Vođe ekipa i strijelci moraju biti upoznati s posebnim sigurnosnim propisima.

Sigurnost strijelaca, osoblja na strelištu i gledalaca zahtijeva stalno pažljivo rukovanje oružjem, kao i oprez kod kretanja strelištem. Samodisciplina je potrebna kod svih. Kod nedostatka samodiscipline, dužnost je sudaca da uvedu disciplinu, a strijelaca i vođa ekipa da u tome pomognu.

U interesu sigurnosti sudija ili član žirija može zaustaviti gađanje u svako vrijeme. Strijelci i vođe ekipe moraju odmah prijaviti sudiji ili članu žirija svaku situaciju koja može biti opasna ili može uzrokovati nesreću.

Kontrolor opreme, sudac ili član žirija mogu dirati strijelčevu opremu (uključujući i oružje) bez njegove dozvole, ali u njegovoj prisutnosti i s njegovim znanjem. Izuzetak je moguć iz razloga sigurnosti, kada je potreban hitan i učinkovit postupak. U interesu sigurnosti svim oružjem mora se rukovati s maksimalnom pažnjom u svako vrijeme. Oružje se ne smije iznositi s linije gađanja bez dozvole sudije.

Oružje se može puniti samo na liniji gađanja i to nakon zapovijedi "PUNI" ili "START" odnosno zvučnog signala. To se odnosi i na punjenje šanžera ili komore oružja metkom. Sudije moraju osigurati da strijelci imaju dovoljno vremena za punjenje oružja. Prije nego što strijelac napusti streljačko mjesto mora ustanoviti, a sudija provjeriti, da je zatvarač otvoren i da oružje, šanžer ili komora nije napunjeno. Ako strijelac spremi svoje oružje ili ga makne sa streljačkog mjesta, a da sudac isto nije provjerio, može biti diskvalificiran.

Opaljivanje na prazno i vježbe ciljanja su dopuštene, ali samo uz dopuštenje sudije i samo na liniji gađanja ili na označenom mjestu. Rukovanje oružjem nije dopušteno, ako je tehničko osoblje ispred linije gađanja.

Opaljivanje na prazno znači oslobađanje mehanizma za okidanje na praznom oružju .

Ako strijelac opali prije zapovijedi "POZOR" ili "START" ili poslije zapovijedi "ISPRAZNI" ili "STOP", odnosno pripadajućih zvučnih signala, može biti diskvalificiran.

Za vrijeme takmičenja, oružje može biti odloženo samo nakon što su izvađeni meci ili šanžer i zatvarač otvoren. Sigurnosne zastavice, izrađene od fluorescentno narančastog ili materijala slične jarke boje, moraju biti umetnute u sve pištolje u svako vrijeme osim kada je uklanjanje sigurnosnih zastavica dopušteno ovim pravilima. Kao dokaz da su pištolji ispražnjeni, sigurnosna zastavica (sigurnosna traka) mora biti dovoljno dugačka da se proteže cijelom dužinom cijevi. Sigurnosne zastavice za sva ostala oružja moraju imati dio koji se umeće u komoru (ležište metka), kako bi se dokazalo da je komora (ležište metka) prazna.

Tokom takmičenja oružje mora uvijek biti usmjereno u sigurnom pravcu. Na streljani, kada oružje nije na vatrenoj liniji, mora uvijek biti u svojoj kutiji ili navlaci (futroli), osim ako sudac ne odredi drugačije.

Nakon zapovijedi "ISPRAZNI" ili "STOP" odnosno pripadajućih zvučnih signala, gađanje mora odmah prestati, a strijelci su obvezni isprazniti oružje i učiniti ih sigurnim. Gađanje

se može opet nastaviti samo nakon odgovarajuće zapovijedi "START" odnosno pripadajućeg zvučnog signala.

Glavni sudac ili drugo odgovarajuće službeno osoblje na strelištu je odgovorno za izdavanje zapovijedi "PUNI", "START", "ISPRAZNI", "STOP" i ostalih potrebnih zapovijedi. Sudije moraju također utvrditi da su naredbe izvršene i da se oružjem rukuje sigurno.

Svaki strijelac koji dira svoje oružje ili šanžer, bez dozvole sudije poslije zapovijedi "ISPRAZNI" ili "STOP", osim da ih isprazni, može biti diskvalificiran.

Zaštita sluha Preporučuje se svim strijelcima i ostalom osoblju da nose štitnike za uši, čepiće za uši ili sličnu zaštitu, kada se nalaze u neposrednoj blizini linije gađanja. Strijelcima nije dozvoljeno zaštitno sredstvo za uši povezano s bilo kojim tipom sredstava za prijem.

Zaštita očiju Preporučuje se svim strijelcima da za vrijeme gađanja nose streljačke naočale otporne na rasprskavanje ili sličnu zaštitu za oči.

Prije početka gađanja strijelci moraju imati 5 minuta za konačnu pripremu u disciplinama: precizni dio 25m pištolj i revolver središnjeg paljenja serijski.

Glavni linijski sudija mora dozvoliti strijelcima da smjeste svoju opremu na streljačko mjesto 5 minuta prije početka vremena za pripremu, pod uslovom da je prethodna grupa završila gađanje

POSEBNA PRAVILA

25m pištolj i revolver središnjeg opaljenja serijski

Gađanje u disciplini 25m pištolj i revolver središnjeg paljenja serijski sastoji se od preciznog i brzog dijela.

Gađanje u prvom dijelu odvija se po pravilima takmičenja 25m pištolj središnjeg paljenja ISSF.

Program gađanja : 30 + 30 hitaca

Vrijeme gađanja I dio – precizno - 10 minuta za 10 hitaca

II dio – brzo - 3 sekunde po hicu (7 sekundi između dvije pojave meta) – 5 hitaca u jednu metu

Broj probnih hitaca – po 5 hitaca prije početka svakog dijela

Način gađanja

Prije početka svakog dijela strijelac ima pravo na jednu probnu seriju od 5 hitaca ispaljenih za vrijeme i na način propisan za taj dio gađanja.

I dio – precizno gađanje – sastoji se od tri serije po 10 hitaca ispaljenih za vrijeme od 10 minuta za svaku seriju

II dio – brzo gađanje - sastoji se od tri serije, svaka po 10 hitaca, ispaljenih u jednu metu, za vrijeme po hicu od 3 sekunde (7 sekundi između dvije pojave meta).

Prilikom svake pojave mete može se ispaliti samo jedan hitac.

II Posebna pravila - 25m VK pištolj i revolver serijske proizvodnje

Gađanje u disciplini 25m VK pištolj/revolver serijski sastoji se od preciznog dijela.

Program gađanja – 10 + 10 hitaca

Vrijeme gađanja:

I dio proba 5 minuta – neograničen broj metaka

II dio meč : 2 serije po 10 metaka, vrijeme trajanja jedne serije je 10 minuta .

Stav slobodan.

POSTUPCI KOD ZASTOJA

U svemu se primjenjuju odredbe Opštih tehničkih pravila ISSF, odnosno Tehničkih pravila SSCG.

ORUŽJE I MUNICIJA

Na takmičenjima se može koristiti isključivo ispravno oružje , koje pri normalnom rukovanju ne predstavlja opasnost za prisutne I kod kojeg je isključena mogućnost samoopaljenja.

Zabranjeno je dodavanje ili oduzimanje djelova ili konstrukcije izmjene na oružju van okvira OPP SSCG I ISSF a .

Na svakom primjerku oružja u skladu sa originalnim konstrukcionim rešenjem , podrazumijeva se postojanje branika obarača.

Prije početka i tokom takmičenja , oružje , oprema I pribor podliježu kontroli I ovjeri koju vrši Tehnički delegate takmičenja.

Takmičar je dužan da u toku čitavog nastupa na takmičenju koristi isti primjerak oružja sa kojim je započeo takmičenje , izuzetno ukoliko dodje do kvara na oružju tehnički delegate i žiri takmičenja može dozvoliti takmičaru da zamijeni oružje I završi nastup na takmičenju.

Izbor municije je slobodan . Zabranjeno je korišćenje municije specijalne namjene i dozvoljena je upotreba samo municije fabričke izrade.

U organizacijama SSCG na takmičenjima mogu se kristiti svi modeli pištolja i revolvera središnjeg opaljena, kalibara od 7,62 do 11,45 mm.

Sila otpora obarača kontroliše se pomoću tega mase 1000 grama kojim rukuju nadležne streljačke sudije , na način propisan u streljačkom sportu (u skladu sa odradbama ISFF a)

U svim djelovima discipline, pištolj se puni sa po pet metaka.

ASISTENCIJA

Asistencija je dozvoljena.

U slučajevima asistencije takmičarima:

- može se kontaktirati sa takmičarem, neograničen broj puta, uz uslov da takmičar izađe sa linije gađanja po dozvoli sudije.
- rukovati takmičarevim oružjem (pomjeranje I korekcija nišanskih sprava)samo ako se oružje iznese sa linije gađanja.
- Asisten može reagovati na liniji gađanja bez dozvole sudije ako ocijeni da je to u funkciji zaštite bezbjednosti.

POSTUPCI KOD OCJENJIVANJA REZULTATA

Ocjenjivanje pogodaka vrši se na pune krugove. Objavljeni rezultati se upisuju u zapisnik gađanja. Ukupni rezultat čini zbir rezultata preciznog i brzog dijela discipline

U slučaju spornih pogodaka koristi se pozitivni mjerač pogodaka ("gurko") sljedećih dimenzija: - promjer mjerne ploče 9,65 mm (+0,05; -0,00) - promjer osovine prema kalibru koji se mjeri - dužina osovine 10-15 mm

POSTUPCI KOD ISTOVJETNIH REZULTATA

Jednaki rezultati u ostalim disciplinama baznog (C) programa i svim disciplinama domaćeg programa razrješavaju se sljedećim pravilima:

- a) prema većoj vrijednosti posljednje serije od 10 hitaca idući prema prvoj seriji dok se ne pojavi razlika;
- b) prema većem broju pogodaka u 10, 9 , 8, 7, itd;
- c) ako se ne pojavi razlika, strijelcima se upisuje isti poredak, po abecednom redoslijedu prezimena strijelca.

NAGRADE

Streljački Savez Crne Gore je obavezan da obezbijedi kao nagrade diploma, medalje i pehare za prva tri mjesta u generalnom plasmanu Kupu Crne Gore VK , i Prvenstva Crne Gore 30+30

REGULARNOST TAKMIČENJA

Sva takmičenja oružjem VK nadgleda delegat takmičenja koji je obavezan prisustvovati takmičenju, te sudijska komisija koju čine najmanje 3 člana. Regularnost takmičenja je u nadležnosti sudijske komisije i imenovanog delegata. Poslije završenog takmičenja , u što kraćem roku,delegat i sudijska komisja moraju Stručnoj službi Saveza dostaviti bilten takmičenja. Stručna služba Saveza vodi evidenciju rezultata i obavještava javnost o postignutim rezultatim

PRIGOVORI I ŽALBE

U svemu se primjenjuju odredbe Opštih tehničkih pravila ISSF, odnosno Tehničkih pravila SSCG.

ZAVRŠNE ODREDBE

Ako postoji sumnja o značenju ili tumačenju ovih Pravila ili ako postoji proturječnost između ovih Pravila i ISSF odnosno opšta tehnička Pravila SSCG, mjerodavan je tekst ISSF odnosno opštih tehničkih pravila SSCG .